

تاریخ وادبیات

حامد

ملك وملتہ نافع ، تاریخ ، ادبیات ، فنون ، اقتصادیات وشئون سائرہ متعلق مباحث مفیدہی حاوی مجموعہ شہریہ در

جامع فاتحہ بو ایلاک جمعہ موجد ایدم
زیر وبالا ایلوردی حمد رب العالمین
منبرایتدی حمدایله عبدالحمید اسمعین
اولدی محراب کزین الحمدللہ قرین
بونده در شمدی وکیلی حضرت پیغمبرک
بونده در بی شہہ روحانیت روح الامین
شرع ایله اولدی خلیفہ [۱] بیعت وتبریک ایله
واجب اولدی شاعرانہ ضبط تاریخ کزین
مستدام اولسون خلیفہ شادکام اولسون وطن
باقی اولدقہ (امیری) دور افلاک وزمین
چار یارک عشقنہ دوشدی بو تاریخ گھر
حضرت عبدالحمید اولدی امیر المؤمنین

سنه ۱۳۴۱

[۱] « شرع ایله خلیفہ » « مشروع خلیفہ »

سنه ۱۳۴۱

سنه ۱۳۴۱

فضائل عالیہ مزین وکالات جلیہ ایله معنون اولان
خلیفہ اصاح وارشد ذی شان سوکیلی عبدالحمید بن
عبدالعزیز خان اقدمز حضرتلرینک سایہ بخشای مسند
جلیل خلافت اوله رق آلا و مراسم عظما ایله
فاتح جامع شریفنہ عزیمت هایون بیوروب ایلاک جمعہ
خطبہ سنک نام جلیل خلافتناہیلرینہ قرائتی متضمن من
غیرحد انشاد اولان تاریخ عبودیت قرین « تاریخ وادبیات »
مجموعہ سنہ درج ایله ترین ستون مفخرت اولندی .

مجد عال العال ایله تعظیم بی امثال ایله

بر عمر خصلت بو کون اولدی امام المسلمین

شاد اولای اقبال آتی فخرایت ای دور جدید

اولدیکز ابن العزیزک مقدمیلہ کا مبین

مفخر نور خلافت افتخار کائنات

آفتاب معدلت آرایش محراب دین

عون وامداد جناب خالق ذوالعرش ایله

عودت ایله بعدزین آشایش روی زمین

ادرئندہ سلیمیه جامع شریفی [۱]

ما بعد

ادرئندہ متکای غزواجلال اولدیفی ائسادہ اشاق برگون
راعی پاشا حین ریاستندہ صدر اعظم مجموعہ زاده حسین
پاشا حضرتلرینک مجلس سعادت اتمالریله مستعد اولوب
رجال دولدن دخی بر قاج ذات ستوده خصم الار اول

الحق استانبول طرفاسندن بری بن بو جامعده
برقصور بولدم دیو ادعا ایتدکده نه در دیو سوال ایدرلر
جوابنده ایدر بو جامع شریف محرومہ اسلام بولده اولوب
شمیہ ادرئندہ اولدیفیدر دیش. بروایتده سلطان مصطفی

[۱] اوچنچی نسخہ کتایک مقدمہ سندہ ذکر مرور ایلدیکی اوزره جنتمکان سلطان محمود خان اول عصری فضلاسندن
روم ایلی ایالتی دفتر کتخداسی دایه زاده مصطفی افندیکنک تألیف قیمتداریدر .

وطنك كنچ وهزور اذ كياسدن دوكتور سهيل بك
افدى طرفدن وارد اولمشدر

استاد عالیشان :

بو ملك وملتہ سبقت ايدن خدمات بر كزیده كزه
ضمیمه اولجه نشر بویوردیغكز تاریخ وادبیات مجموعه لرینك
اوزون مدت ساحه ادبیاتمزدن اوزاقلاشدیغی بویوك
اسفلرله كوردكدن صوكره بو دفعه هممات علیه كزله
تكرار نشر اولونیور . فائده لی مقاله وبنسدرینی سنوه
سنوه اوقودیغ بوقیمتدار مجموعه نك نشرندن دولای تأخر
ایتمش اولمقله برابر تبریکلرمی ذات فاضلانه كزه ابلاغ
ایدرم . ملتزمك مساعیسله خیرلی ثمراتی اقطاع ایتمسی
الطاف الهیه دن مأمول اولان سعادت آتیه مزى انتاج
ایده جك بوكونكى فعال زمانلرمزده تكرار خدمت
ایچون شتابكز شبهه سز ملتزمك حیاتی ایچون چوق
قیمتداردر . بن كندی عجزمله بونی تقدیردن عاجز بولونیورم
یالكز ملتك بر فردی صفتیله سزه بورجلی اولدیغمز
وظیفه شكرانی بوراده تكرار ایدیم .

مساعده كزله ذات عالیكزك واقف اولدیغی برخطرهدن
بحث ایده جكم بنم شخصمه عائد اولمقدن زیاده ملتزمه
ابدی بریادكار اولان دفتر خاطر اتمك یوزلرجه خطرهلری
میاننده شایان دقت قیمتلی بریادكار وارد كه اوده زر افشانی
باش صحیفه سنده خلیفه نوجاهمز عبدالحجید حضرتلرینك
لعل ایله خط دست وامضای نجابتباهیلرینك سوسله دیکی
بو کرانها خطرهدر . بر صورتی بورایه ذات حضرت
خلافتپناهی یه اولان عظیم حرمت و اخلاصمله درج ایدیورم :
« ملتزمك سعادت واستقلال آیینی تأمین ایده جك اساس :
دین ، متین اخلاق و علم و عرفاندر »

۲۰ محرم ۱۳۴۰ ۲۱ ایلول ۳۳۸

« امضای نجابتباهیلری »

مملکتك سعادتتی ملتك سعادتنده كوردن بو علوی
خلفه مز بزم ایچون خیرلی ثمره لر ویره جك اولان تمنیات

خالصه لرینی دهها برسنه اول اظهار بویورارق ملت و مملکت
ایله نه قدر علاقه دار اولدقلرینی بیان بویورمشلردی .
بو دفتر خاطر اتم منظور عالیكز اولمه دن اول سنك
دفتر كه لعل ایله یازی یازان وارمی دیمشدیكز . یالكز
خلیفه روی زمین عبدالحجید حضرتلرینك دفترمك باشه
بالاده کی جمله بی لعل ایله یازدقلرینی سزه سوبلیدیكمده
بر لعل مرگبی بولده دفترله برابر كتیردیمشدیكز . ایلروده
کتبخانه ملیمزه اهدا ایتك اوزره موقتاً بنده امانه
دوران بو مجموعه مك بدایتی ذات خلافتپناهیك نهایتی ده
سزك خاطره كزله ترین ایتمشدی . شعر عالیكزی بوراده
تكرار ایتمكك مفتخرم :

هو الغنی

جعنه خط مشاهیرك سهیل ایتدكده میل
لعل ایله یازدم بو نظمی بویله در فیض سهیل
بز بونی كشف ایلدك ، طالی ولی عهد ایله
نکته دان محتشم استاد صاحب جهد ایله
لعل ایله آجدی او جم حشمت بو بابی ابتدا
لعل ایله سیر ایت ینه مجموعه بولدی انتها
طقسان اوچ امضالی بر مجموعه شاهددر بزه
کائناتك جرهر تقدیری عاندر بزه
نکته لی نادیده سوزلر نقش ایدنلر کرچه چوق
لعل ایله تحریر ایچون اسراره واقف کیمسه یوق
برده همشهرم اولان « حامی » ایکی عصر اولی
یازدی تقریض سهیله بویله بر نظم جلی
حامی آمدی

طالع اولدقده سهیل مدخی کان سینده
لعل نظم « حامی » رنگ آمیز اولور حمر تلنور .

فقیر باب الله

علی امیری

بو خاطره كزله دفترم كچن سنه کانون ثانیده جدأ
قیمتدار بر ماهیت کسب ایتدی . بالا آخره بو نکته بی

بنده کزہ ایضاح بویورمش ایدیکیز . تکرار تکرار تشکر لرمی سزه بیان ایدہ رکن سزدن برشی رجا ایدہ جکم . صوک مجموعہ کزہ ادرنہ دہ کی مشہور سلیمہ جامعہ عائد اولان وایکی یوز سنہ اول مصطفی دایہ زادہ طرفندن تحریر ایدیلن رسالہ سلیمہ نام رسالہ قیمتداری تفرقہ ایتکہ باشلادیغکزی کوریورم . اثرکزک باشندہ تفرقہ ایدیلن مذکور رسالہ نک مجموعہ کزک صوک فورمہ لرحالندہ نشری مساعده کزلہ نیاز ایدہ رم . اثرک بو صورتہ فاء الہ لزلہ ختامندن صوک وکرہ اوراق بر جلد درونندہ قیمتدار بر خاطرہ اولارق صافلانہ بیلیر . حق عالیکزہ تجاوز ایتہ مک شرطیہ قابل اولورسہ بولطفککزک بو صورتہ رایگان بویورمش رجا ایدرم . چونکہ سزکدہ یک زیادہ تحسین بویوردیغکز بواثرہر جہتجہ لایق اولدینی اہمیتلہ قاشیلانور . بوسیلہ ایلہ دہ سزہ ایفا ایتکہ بورجلی اولدیغ تشکر لرمی حرمتلرملہ بیسان ایدہ رک الکرکزدن اوپہرم اقدم . ۲۲ تشرین ثانی ۱۳۳۸ بزم عالم والدہ سلطان خستہ خانہ سی اطباسندن

دوقتور سہیل

مجموعہ

الحق « بر مشہر فضیلت » اولان دفتر خاطرہ اتکزہ برسہ مقدم بازمش اولدیغ سطرلردن بنی خبردار ایتدیکزہ تشکر ایدہ رم . خصوصیلہ خلیفہ اعظمز امیر المؤمنین اقدمز حضر . تلرینک لطفاً و تواضعاً و قیلہ نقشطراز صحایف سیوردقلری حکیمانہ و جهانپسندانہ کلمات طیبہ ہایونلری برستشکاه لوح وجدان ایدلسہ شایستہ در . ادبامزدن یشارشادی یک افندینکدہ قیمتلی بر مجموعہ خاطرانی وار ایدی . خلیفہ فضائلناہ اقدمز حضرتلری لطفاً و عنایہ او مجموعہ قیمتداری دہ خط ہایونلریہ ترین بیورمش اولدقلری مشہود نظر مفخرت چاکرانہم اولمشدی کاشکی یشارشادی یکدہ نشر بیورمش اولسہ لر ؟ ادرنہ دہ کی سلیمہ جامع شریفی حتمندہ تفرقہ ایدیلن رسالہ قیمتدارک مطبعہ حروفانندن آریجہ کتاب شکلہ افراغ وانہ جق

صورندہ باصدیرلمنی حقندہ کی مطالعہ و تکلیفکز مصیب و طوغریدر . لکن شو مکتوبکزی آلدیغ صرہ دہ مجموعہ مک ایکنجی نسخہ سندہ و قیلہ دیاربکرده بولنان برمیلون قرق بیک جلد کتابی حاوی غایت عظمتلی وجہیم رکتبخانہ دہ دأریازدیغ مقالہ یہ نوط اولہرق چقان رسائل وغرنہ لک ایکیشر نسخہ سی کوندرلیکدہ اولان معارف نظارت جلیلہ سیلہ مجلس تدقیقات شرعیہ ومدعی عمومہ یلک جانب والالزینک ، اخلاقکزک سقوطنک اسبابی وبونک منعی حقندہ لازمکلن معاملہ یی ایفا ایتک اوزرہ نظر دقتلرینی جلب ایتمش ایدم . بو حقیقہ داوود پاشا مکتبی مصری عبدالباقی فوزی افندی کنڈیسنی « قدح و ذم » معانی ویرہ رک حقمدہ واقع اولان مراجعتی اوزرینہ برنجی محکمہ جزادن ۳۰ تشرین ثانی پنجشنبہ کونی محکمہ یہ کلمکلمک ایچون دعوتناہ ورود ایتشی اوزرینہ آنک مدافعہ تدرکاتندہ بولنغہ مجبور اولدیغمدن ہیچ برشیئہ باقہ مادم یوم محاکمہ ایلہ مجموعہ مک یوم نشری اولان ای غایہ نی برکونہ تصادف ایتدیکندن مجموعہ می دہ یوم معیندہ نشرہ موفق اولہ مدم یوم مذکورده محکمہ یہ کیتمش ایسہ مدہ عبدالباقی فوزی افندی کلامش اولدیغندن یوم محاکمہ بو پنجشنبہ کونہ تعلیق اولوندی . برسہ دن بریدرملغا « پیام صباح » وہ آی ددہ غزنہ لریلہ کرک حقمدہ و کرک برچوق قیمتلی معلمین محترمہ حقلرندہ یازمدینی بی ادبانہ سوزلر ونشر اعلان الیدیکی حقارت آمیز واستخفاف انکیز تعبیرلرقالمدینی حالہ و بو حال میدانده ایکن ترقی ملت و وطنہ چالیشمقلہ میاهی تمش یاشندہ بریرفانی بولنش و شیمدی یہ قدر جزا محکمہ لرینک قیوسنی بیلہ کورمامش ایکن بو صرہ دہ بویلہ بر حالہ اوغرامقلغم ، تفرقہ ایلدیکم سلیمہ جامع شریفی کتابخی آریجہ کتاب شکلہ وضع ایتک شویلہ طورسون بلکہ بوندن صوکردہ بو مجموعہ ی دہ چقارمغہ دوام ایتک شمدیلک بو عبد عاجزجہ غیر معلومدر بونک ایچون تکلیف خبرخواہانہ کزی اسعاف ایدہ مدیکمدن دولابی عرض اعتذار ایدرم . مقصد خزان مجلدات ماتدہ نسخہ نادرہ دن اولان مذکور کتاب قیمتدارک خوف ضاعدن محافظہ سی ایسہ مندرجاتی بو صورتہ نشر وانظار عامہ یہ وضع ایتک ایلہ تأمین ایدلمشدر اقدم .